



## Disgrifiad Swydd

<b>Teitl y Swydd:</b>	Swyddog Prosiect Buddsoddiad Cymdeithasol Cymru
<b>Yn atebol i:</b>	Pennaeth Buddsoddiad Cymdeithasol Cymru
<b>Cyflog:</b>	Graddfa C CGGC: £28,224 yn cynyddu i £29,912 y flwyddyn ar ôl cwblhau cyfnod prawf o chwe mis yn llwyddiannus
<b>Lleoliad:</b>	Unrhyw leoliad/Gweithio o bell
<b>Gwyliau Blynyddol:</b>	25 diwrnod y flwyddyn, yn ogystal â gwyliau banc a phum diwrnod disgrisiwn
<b>Teithio:</b>	Ffafir trafnidiaeth gyhoeddus; pan nad yw hyn yn gyfleus gall staff ddefnyddio'u cerbydau eu hunain neu'r system rhentu car. Telir cyfradd safonol y filltir yn unol â'r cyfraddau a argymhellir gan Gyllid y Wlad
<b>Oriau:</b>	35 awr yr wythnos. Mae cynllun amser hyblyg ar waith a chaniateir amser i ffwrdd am unrhyw waith sydd angen ei wneud y tu allan i oriau gwaith arferol
<b>Pensiwn:</b>	Bydd cyfraniad o 9% o gyflog blynyddol y swydd yn cael ei dalu i mewn i gynllun pensiwn cymeradwy CGGC.
<b>Sgiliau iaith:</b>	Byddai sgiliau Cymraeg yn gaffaeliad i'r swydd.

### NOD Y SWYDD

Gweithio fel rhan o dîm Buddsoddiad Cymdeithasol Cymru yn cynorthwyo â'r gwaith o gyflenwi pob agwedd ar weithgarwch, gan gynnwys y Gronfa Tyfu Busnesau Cymdeithasol (SBGF), i ddarparu cymorth ariannol arloesol ar gyfer busnesau cymdeithasol yng Nghymru. Byddwch yn arwain y gwaith o sicrhau bod buddsoddiadau cymeradwy yn cael eu cwblhau'n llwyddiannus drwy sicrhau bod yr holl waith papur a gwiriadau tynnu i lawr cyn-ariannol wedi'u cwblhau Yn ogystal, byddwch chi'n aelod hanfodol o'r tîm sy'n cynorthwyo ac yn ymgymryd â thasgau eraill fel asesu ceisiadau a rheoli perfformiad parhaus busnesau cymdeithasol a gynorthwyr.

### **Bydd hyn yn cael ei gyflawni drwy ddarparu'r canlynol:**

- Asesu ceisiadau am gymorth ariannol yn gywir ac mewn modd amserol
- Monitro bargeinion sydd wedi'u gwneud drwy sicrhau bod yr holl ofynion monitro a gwerthuso wedi'u bodloni
- Sicrhau bod penderfyniadau effeithiol yn cael eu gwneud er mwyn sicrhau bod gwasanaeth o ansawdd yn cael ei gynnig i'r holl gwsmeriaid mewnol ac allanol
- Cefnogi gwelliant ac arloesedd parhaus.

### **PRIF DDYLETSWYDDAU**

- Sicrhau bod yr holl weithgarwch monitro a gwerthuso ar gyfer y cyllid a fuddsoddiwyd gan Buddsoddiad Cymdeithasol Cymru, gan gynnwys yr SBGF, yn cael ei gwblhau'n foddhaol
- Ar ôl cynnal asesiadau ysgrifenedig trwyadl o geisiadau a gyflwynwyd;
  - gwirio cymhwysedd ymgeiswyr yn erbyn gofynion yr SBGF a gofynion sefydliadol
  - gwneud arfarniad ariannol o ymgeiswyr, gan ystyried:
    - gallu eu mudiadau i gyflenwi
    - cymorth technegol ac anghenion datblygu
  - paratoi ceisiadau ar gyfer Panel yr SBGF, gan gynnwys asesiad manwl a dadansoddiad o risg
  - cyflwyno argymhellion i'r Panel o ran amcanion a meini prawf yr SBGF, gan nodi natur y buddsoddiad a pha fath o fuddsoddiad yw ef, a chan gynnwys y telerau ac amodau
- Defnyddio rhwydweithiau cymorth dynodedig i gynorthwyo CGGC i gynnal asesiadau a dadansoddiadau o risg yn ôl y canllawiau
- Defnyddio rhwydweithiau cymorth dynodedig i gynorthwyo'r mudiadau sy'n ymgeisio i baratoi gwybodaeth ategol briodol ar gyfer ceisiadau
- Darparu cyngor a chymorth technegol ar faterion SBGF yn fewnol ar gyfer staff CGGC ac ar gyfer Panel yr SBGF

- Nodi busnesau cymdeithasol sydd â'r potensial i dyfu o fewn yr ardaloedd dynodedig
- Cynnig cyngor ac arweiniad i fudiadau sy'n dymuno gwneud cais am gymorth ariannol gan yr SBGF drwy ddsbarthu gwybodaeth, ymweliadau, cymorthfeydd ac ati
- Hyrwyddo'r SBGF drwy gyflwyniadau a digwyddiadau allanol gyda chysylltiadau rhwydwaith perthnasol
- Gweithio gyda phartner-fudiadau ac eraill i sicrhau bod yr SBGF yn cael ei hyrwyddo a'i marchnata'n eang drwy'r holl rwydweithiau sydd ar gael
- Arwain y gwaith o ddarparu'r SBGF i ymgeiswyr llwyddiannus a rheoli portffolio dynodedig i sicrhau eu bod yn cydymffurfio'n barhaus
- Cynorthwyo â'r gwaith o gasglu, dadansoddi a dosbarthu'r effeithiau a'r canlyniadau a grëir gan yr SBGF ar gyfer Swyddfa Cyllid Ewropeaidd Cymru a rhanddeiliaid allanol
- Cyflwyno adroddiadau rheolaidd ar berfformiad yr SBGF ar gyfer gwaith craffu mewnol ac allanol
- Cynorthwyo staff eraill CGGC gyda llunwyr polisi a chwaraewyr strategol eraill o ran goblygiadau'r SBGF i fentrau cyllido a chymorth ehangach sydd wedi'u hanelu at y sector busnes cymdeithasol
- Cynorthwyo â'r gwaith o ddylunio, gweithredu a chyflenwi'r genhedlaeth nesaf o gynnyrch cymorth ad-daladwy

Nid yw hon yn rhestr gynhwysfawr. Mae'n bosibl y bydd gofyn i ddeiliad y swydd gyflawni dyletswyddau ychwanegol o bryd i'w gilydd, neu fel y bo angen, yn sgil anghenion datblygiadol y gwasanaeth neu fudiad.

Gan fod CGGC yn cael ei gyllido'n rhannol gan Gyllid Ewropeaidd (drwy Swyddfa Cyllid Ewropeaidd Cymru (WEFO)) gallai rhai o'ch dyletswyddau ofyn i chi dreulio amser yn gweithio ar draws y prosiectau hyn. Y cyfeirnodau WEFO ar gyfer y prosiectau hyn yw 80845, 80846, 80847 ac 80848.

## **MANYLEB UNIGOLYN**

Mae'r canlynol yn *sgiliau hanfodol* (ni fydd ymgeiswyr na fydd yn gallu dangos y sgiliau hyn yn cael eu rhoi ar y rhestr fer)

1. Sgiliau monitro a gwerthuso cryf ar gyfer gweithgarwch grant a/neu fenthyciad, a ddangosir gan lwyddiant neu brofiad blaenorol.
2. Sgiliau asesu risg ariannol a dadansoddi busnes da, a ddangosir gan lwyddiant blaenorol, profiad, cymwysterau proffesiynol ac ati
3. Gallu gweithio'n effeithiol ar draws bob lefel o'r sector cyhoeddus, y sector preifat a'r trydydd sector
4. Awydd cryf i gynorthwyo busnesau cymdeithasol i oresgyn eu rhwystrau i dyfu

5. Dealltwriaeth o'r heriau sy'n wynebu'r sector busnesau cymdeithasol
6. Llwyddiant blaenorol o allu darparu gwasanaeth cyson a thryloyw nad yw'n gwahaniaethu sy'n cynnig darpariaeth o'r radd flaenaf i ymgeiswyr tra'n cadw at anghenion rheoleiddiol a chontractiol llym
7. Yr hyder i gyfathrebu canllawiau cymhleth a phenderfyniadau anodd i fudiadau'r buddiolwyr, a hynny mewn modd adeiladol ac eglur, ar lafar ac mewn geiriau
8. Sgiliau TG da
9. Sgiliau cyfathrebu da ar lafar ac yn ysgrifenedig, gan gynnwys mewn cyflwyniadau, trafodaethau a chyfarfodydd â phartïon allanol yn y sectorau preifat, cyhoeddus ac elusennol
10. Gallu gweithio ar liwt eich hun, gydag agwedd hyblyg tuag at addasu cynlluniau gwaith ar fyr rybudd er mwyn cyd-fynd â'r newidiadau mewn blaenoriaethau, ac ymgymryd â thasgau heriol yn ôl yr angen ar gyfer y tîm ehangach a CGGC
11. Gallu mynd ati mewn modd hyblyg ac addasadwy, ac yn barod i weithio oriau anghymdeithasol er mwyn diwallu anghenion y prosiect
12. Ymrwymiad i gyfle cyfartal

Mae'r canlynol yn *sgiliau dymunol* (mae'r sgiliau hyn yn fanteisiol, a byddent yn gwella'r cais)

1. Gwybodaeth rheoli prosiect am ddefnyddio PRINCE2 neu ddull prosiect arall (byddai hyn yn ddymunol ond nid yn hanfodol)
2. Profiad o lunio grantiau neu fenthyciadau, yn enwedig wrth baratoi dogfennau cyn tynnu arian i lawr
3. Dealltwriaeth gadarn o Gyllid Ewropeaidd, yn enwedig Cronfa Gymdeithasol Ewrop a mathau eraill o gyllid, ac o'r heriau sy'n wynebu gweithrediadau a buddiolwyr sy'n gweithio o fewn y system Gyllido Ewropeaidd, a gwybodaeth gadarn am y pethau hyn
4. Byddai sgiliau yn y Gymraeg yn gaffaeliad i'r swydd; disgwylir i'r sawl a benodir ddangos ymwybyddiaeth o Safonau'r Gymraeg a chydymffurfio â nhw.

